



## Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel  
Lvcra, à bono iustoq[ue] Mundi Gubernatore Deo  
Distribvta**

**Stengel, Georg**

**Ingolstadij, 1648**

§. 2. Longè meliorem esse pauperum, quàm diuitum condicionem.

[urn:nbn:de:hbz:466:1-52359](#)

## §. II.

*Longè meliorem esse pauperum, quam diuitam  
conditionem.*

Ad hanc epistolam fertur respondisse Saturnus, bonorum de nouo partiendi potestatem, ad se amplius non pertinere, sed regnum suum non nisi ad taxillos usque, saltationes, cantiones & ebrietatem, & quidem per septem duntaxat dies, se extendere. Iouis esse negotium statuere de tollenda rerum inæqualitate, utq; ex æquo omnes aut opibus abundant, aut egeant. Mensem mandatumque suum esse, ut diuites de cœnis, deque auri hemina, neque non de vestibus etiam pauperibus ad celebrandum festum nonnihil mittant. Ceterum pauperes longè falli, neque recte iudicare de diuitibus, cum illos felices arbitrentur, solosque suauem vitam viuere, propterea quod illis liceat opipare cœnare, vino suavi inebriari, vestibus uti delicatis: verum istam felicitatem cuiusmodi sit, ignorare, siquidem haeres eos curis non mediocriter distorqueant, cogi enim eos ut singulis inuigilent; ne quid rerum domesticarum dispensator fraudet, aut clanculum suffuretur, ne vinum acescat, ne frumentum vermis corrumperatur, ne

Apud  
Luc ep. 2.  
Satur-  
nali.

D 2 latro

latro tollat pocula, ne populus credat calumniatoribus, si talem dixerint affectare regnum. Ad hæc, si nossent pauperes metus & curas, quibus obnoxij sunt diuites, planè fugiendas sibi esse diuitias existimatos. Quod nisi ita esset, Saturnum non usque ad eò insanum fore, ut, si præclara res esset opulentia, aut regnum, depositurus hæc alijsque ea cessurus fuisset, patereturque, vi nunc priuatus alieno pareret imperio. Igitur potius se, cùm non esset ignarus huiusmodi malorum, quæ plurima diuitibus a regibus necesse est adesse, imperium sapienter deposuisse. Addit postea commoda diuitum, quæ pauper magna existimet, non esse commoda. Verum quidem esse, diuitiæ apri, & placentis expleri, pauperes autem nasturtium porrumuē, aut cepe per fessi tempus, opsonij loco, arrodere; idque illis dulce, his insuaue esse, sed id intra breu tempus inuerti; cùm pauperibus deinde non accidat, ut postridie surgant capitis dolore grauati, ob temulentiam, quemadmodum diuites, neque ob immodicam ingurgitationem graueolentem & acrem spiritu ructare pauperes, neq; facile sibi vel tabem vel tussim, vel morbum intercutem, ex in tempe.

temperato voluptatum vſu colligere. Pau-  
cos autem videri diuites, qui non planè pal-  
leant, ac faciem cadauerosam præ se fe-  
rant; paucos, qui cùm ad senectutem per-  
tuerint, suismet pedibus ingrediantur, ac  
non potius à quatuor baiulis gestentur: fo-  
ris quidem totos eos esse aureos, intus au-  
tem putres ac pannosos, cuiusmodi sunt  
tragica indumenta, ex pannis admodum  
vilibus consarcinata. Enim ueroò ipsis quo-  
que opulentis non dulce esse, quotidie su-  
praqué satietatem pretiosis vesci; sed gu-  
stus variandi cauſa nonnumquam ita olus  
aclupinum appetere, vt pauper non æquè  
appetat leporem, aut aprum. Esse præterea  
illis mille cruces à filijs, ab vxore, à famulis,  
& vnde non? quæ omnia pauperes cùm ig-  
norent, tantum aurum ac diuitum purpu-  
ram aspiciant; &, si quando vident eos albo  
prouehi currū, inhient & adorent. Quòd  
si illos contemnerent, negligenterque, ne-  
que ad argenteum currum oculos haberent  
intentos, neque inter colloquendum sma-  
ragdum annulo inclusum respectarent, ne-  
que vestes obiter contrectantes molliciem  
admirarentur, sed sinerent eos ipsos sibi di-  
uites esse, haud dubium futurum esse, vt

D 3

ipſi